

Isu mansuh PTPTN tak pengaruhi siswa

Kuala Lumpur: Isu pemansuhan Perbadanan Tabung Pendidikan Tinggi Nasional (PTPTN) yang dijadikan modal oleh pembangkang untuk menarik perhatian rakyat tahun lalu ternyata tidak membuahkan hasil apabila ia tidak mempengaruhi pola pengundian mahasiswa.

Berdasarkan kajian Yayasan Ehwaz Siswazah (YES) di Universiti Putra Malaysia (UPM), perkara itu di samping biasiswa dan kos pendidikan hanya menduduki tempat ke-10 atau 2.9 peratus dalam senarai isu yang perlu diberi perhatian oleh kerajaan.

Fello Penyelidik Utama Institut Pengajian Sosial UPM, Prof Emeritus Datuk Dr Sulaiman Md Yassin ketika membentangkan hasil kajian itu berkata, respon-

den sebaliknya menyatakan isu utama perlu ditekankan adalah pendidikan (10.2 peratus), rasuah dan penyalahgunaan kuasa (8.2 peratus).

Beliau berkata, ini diikuti ekonomi dan kewangan (6.8 peratus), masalah dan isu sosial (6.2 peratus) dan kemiskinan, kebajikan dan bantuan kepada rakyat (5.7 peratus).

"Semua ini adalah isu mempengaruhi responden pada Pilihanraya Umum (PRU-13)," katanya, semalam.

Sulaiman berkata, kajian menerusi soal selidik membabitkan 1,000 pelajar UPM itu juga mendapati kualiti hidup rakyat akan mempengaruhi mahasiswa untuk menunaikan tanggungjawab mereka pada pilihan raya nanti.